



**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1664

Quæst. 10. Vtrum animæ lustorum sufficienter purgatæ statim videant
clarè Deum ante corporum resurrectionem.

[urn:nbn:de:hbz:466:1-76990](https://nbn-resolving.de/urn:nbn:de:hbz:466:1-76990)

Propositio 5.

150

De B.V. Mariæ plè nihilominus, & cum maiori probabilitate credi potest, interdum eleuatum fuisse ad videndum Deum intuituè, dum erat in hac vitâ mortali.

Quoniam ita sentiunt imprimis aut expresse aut interpretatiæ, quorundam de Moysè, & Paulo, aut etiam de alijs Sanctis existimant, in hac vitâ vidisse Deum, cum sit principium satis in Theologîa receptum post D.Bernar. in epist. ad Lugdun. & S. Th. 3. p.q.27. art. 5. nullam gratiam, nullum priuilegium alicui fuisse concessum, quod non sit centendus Christus. Dominus Matri amansissima concessisse. Deinde; quia ex alijs Doctoribus, qui dictum priuilegium Moysi, & Paulo, aliisque Sanctis negant, multi sunt, qui illud concedant B. V. Ac denum; quia Mater Dei non adeò legibus prouidentia communibus subiecta est, ut ceteri serui; multique extant in ea speciales tituli pra reliquis Sanctis, vt à communis lege excipiatur; vt in lege de contrahendo originali cernere licet. Atque ita sententiam illam speciatim tenent D. Antonin. Albert. Carthus. Germon. Calal. Villanova, Molina, & alij, quos referunt, & sequuntur Soar. tom. 2. in 3.p. disp. 19. sec. 4. Henr. lib. 3. Sum. cap. 11. §. 5. Canifius lib. 1. de B. V. cap. 43. Fasol. supra dubit. Alarc. 1. p. tract. 1. disp. 1. cap. 43. n. 7. Salazar tom. de Concepione cap. 32. & 44. & n. 47. Nouissimèque Recupitus lib. 6. de Deo q. 14. cap. 1. egregie illustrat hanc sententiam, referens imprimis pro illâ 27. Doctores, & testimoniis 13. Patrum. Deinde decem rationibus ex doctrina Scripturæ, & Patrum eruditè confirmans. Quando autem B. V. Deum viderit intuituè, (cum certum sit, non vidisse rôto tempore vite), diffusè examinat Recupitus cap. 2. Videatur.

QVAESTIO X.

Vtrum anima iustorum sufficienter purgata statim videant claram Deum ante corporum resurrectionem.

152

DE hac re agit S. Th. 1.2.q.4. art. 5. & ibi eius expositores. Verum, quia ad existentiam visionis beatificæ pertinet, breuiter hic ab illâ nos expediemus. Multi ex antiquis Patribus tam græcis, quam latinis, quos referunt Vazq. 1. 2. disp. 19. cap. 1. Salas 9.5. tract. 2. disp. 10. sec. 5. Bellarm. tom. 2. coat. 4. lib. 1. de Beat. cap. 1. & alij in ea videtur fuisse sententiâ, vt existimarent, animas iustorum quantumvis sufficienter purgatas ante diem iudicij, vniuersalemque corporum resurrectionem ad claram Dei visionem non elevari. Hi sunt Tertull. Laçant. Victorin. Euthim. Irena. Justin. Origen. Hilari. Chrysost. Theodor. Theophilat. Oecumen. Ambros. August. & alij. Quinimo id ipsum fertur definisse Ioannes 22. Romanus Pontifex, Parisiensibusque præcepisse, vt ita docerent; neque vilum ad gradum Theologiae admitterent, nisi in eam sententiam iuraret, prout ex Ocham. in opere 93. dierum, Germon. Marsil. & Adrian. refert Salas num. 48. De plano

autem in eâdem sententiâ, seu potius errore fuerunt Anabaptistæ, Græci Schismatici, & Armeni; nouissimèque Lutherus, atque Calvinus, prout referunt Guido Carmelita in Summa de hereticis, Castro lib. 3. de heres. verbo Beatus. Præpolus in Elencho heres. verbo Armeni, & Græci, Sanderus 7. Monarchia heresi 118. Sixtus Senens. lib. 5. Biblioth. annot. 169. & lib. 6. annot. 345. Canif. tom. 2. de Corruptelis, verbi Dei, & lib. 3. de B. V. cap. 12. Bellar. supra, Salas, & alij.

Propositio 1.

Animæ iustorum post Christi mortem, cum primum sufficienter purgatae sunt, statim visione clara, & intuitu Dei donantur.

Propositio est de fide, & iam apud omnes Catholicos prorsus indubitate. Constatque imprimis ex multis Scriptura locis, in quibus, aut afferitur, aut supponitur Ecclesiastici 11. Facile est coram Deo in die obitus retribuere uniuersaque secundum vias suas. Quasi dicat, non est dubitandum, quin retribuet, omni impedimento cessante. Luce 23. Hodie mecum eris in paradiſo. Id est, in gloria regni cœlestis, ut exponunt Ambros. Beda. Theophilat. & alij. Ador. 7. Stephanus videns calos apertos, & Iesum stantem à dextris virtutis Dei, dixit, Domine Iesu suscipe spiritum meum. Id est à corpore exuentem admittit ad gloriam tuam cœlestem 2. Corinth. 5. Cum Paulus dixisset, Quandiu sumus in corpore, perigrinamur à Demino; per fidem enim ambulanſ; & non per speciem, subdit, Audemus autem, & bonam voluntatem habemus magis peregrinari à corpore, & presentes esse Deo. Quasi per antithesim dicat, potius vellemus exiti iam, & remoti à corpore per speciem, siue per visionem claram praesentes esse Deo in gloria cœlesti. Vide circa hunc locum S. Th. supra, Bellar. cap. 3. & Salas n. 51. Quò etiam spectat illud eiusdem Apostoli ad Philip. 1. Cupio dissolui, & esse cum Christo. Vtique in sua gloria, iuxta illud Ioh. 12. Vbi ego sum, illic & minister meus erit. Ad Ephes. 4. Ascendens in altum captiuam duxit captiuitatem. Id est, animas sanctorum Patrum secum duxit ad gloriam. Ut interpretantur Ambros. & alij. De quo plura Soar. tom. 2. in 3. p. disp. 43. sec. 3. Adde ea loca, ex quibus constat Christum Dominum morte sua Paradisi cœlestis ianuas aperuisse, & viam ad illum fecisse. De quo plura Soar. ibi disp. 41. Nec non loca, quibus Sancti regnare cum Deo in Cœlo dicuntur; habenturque potissimum ad Hebr. 12. & Apocal. 1. 5. 12. & 17.

Secundò constat propositio ex Ecclesiæ definitione. Definierunt quippe illam Benedictus 12. alias 11. in Extravagante Benedictus Deus. Quam ad verbum referunt Castro, & alij, prout supra à nobis q. 1. num. 9. notatum est. Item Innocentius 3. cap. Maiores, de Baptismo, & cap. Ad Apostolicam, de Presbytero non baptizato. Consilium Florent. fest. vlt. in litteris unionis Trident. fest. 25. in decreto de veneratione Sanctorum, Francoford. in epis. ad Episc. Hisp. prope finem, & Moguntin. cap. 46. & 49. Huc faciunt Ecclesiæ decretalia pro beatificatione, & canonizatione Sanctorum, quibus eos venerari inbet, dignolique veneratione debitâ Beatis definit, tanquam, qui iam in gloria cœlesti clara Dei visione fruantur.

Fa-

Facit communis sensus Fidelium. Faciunt officia Ecclesiastica, vbi saepe eadem veritas asseritur. In oratione de S. Greg. dicitur. *Deus, qui anima famuli tui Gregorij aeterna beatitudinis premia contulisti. In antiphona quadam pro martyribus. Gaudent in calis anime Sanctorum, qui Christi vestigia sunt sequuti.* In respons. v. & m. & cum Angelis in Paradisum introisti, &c. Faciunt denique multæ, & veræ apparitiones, & visiones animarum, quibus de earum beatitudine testatum est, vt ex Historijs Ecclesiasticis constat.

154 Tertiò constat propositio ex communi Patrum suffragio, qui eam tenuerunt. Hi sunt Ignatius m. Dionys. Areop. Irenæ. Basil. Nyfen. Nazian. Chrysost. Epiph. Theod. Theophil. Hilar. Hieron. Athan. Euseb. Prosper. Maxim. Gregor. vterque Cyril. Damasc. Beda. Haymon. Ocumen. August. Ambr. Bern. Cyprian. Anselm. & alij relati à Sixto Senen. Bellarm. Vazq. & Salas supra.

155 Quartò ratione etiam potest hac veritas comprobari. Primo; quia Deus pro bonis operibus tanquam mercedem promisit hominibus vitam aeternam; atque adeo visionem intuituam sui. Matth. 19. & 20. Iacob. I. Apocal. 2. & alibi. Merces autem sine causa differenda non est, iuxta illud Levit. 19. *Non morabitur apud te opus mercenarij tui usque manæ.* Qualis non est quidem postquam Christus Dominus portas Cœli, quas peccatum occluserat, referavit. Ergo. Et sane, cùm Angeli finito statu viatorum, quem homines in morte finiunt, statim receperint premium; cur non animæ plenè purgatae recipient pariter post ascensionem Christi? Secundò Deus propensior est ad misericordiam, quam ad iram. Sed statim à morte punit impios, iuxta illud Iob. 21. *In puncto ad inferna descendunt.* Et Luc. 16. Mortuus est diues, & sepultus est in inferno. Eleuans autem oculos suos, cùm esset in tormentis, &c. Ergo statim à morte iustis premia retribuit, postquam per Christi mortem apertus est aditus ad gloriam.

156 Ceterum contra statutum dogma catholicum nonnulla opponuntur. Primo locus ille Matth. 20. vbi pater familias inbet, reddi operariis denarium ad vesperam, id est, gloriam in fine Mundi. Respondeo, per vesperam posse intelligi finem vite vniuersciuque. Quid si intelligatur finis Mundi, per denarium intelligetur gloria consummata animæ, & corporis publicè, & vniuersaliter omnibus iustis in die iudicij, conferenda illa sententia supremi Patris familias, & Iudicis. *Venite benedicti.* &c. Matth. 25. Quæ etiam ratione similia loca veniunt intelligenda, vt ille Pauli 2. ad Tim. 1. *Certus sum, quia potens est de positum meum seruare in illum diem.* Et cap. 4. *Reposita est mihi corona iustitiae, quam redet mihi dominus in illâ die iustus Index.* Et 1. Ioan. 3. *Sic quisquiam cùm apparuerit,* &c.

157 Secundò obiecit Paulus ad Hebr. 11. Vbi post multa recensira egregia facinora Patrum veteris Testamenti subiungit. *Et hi omnes testimonio fidei probati non acceperunt recompensationem,* Deo pro nobis melius aliquid prouident, vt non sine nobis consummaventur. Quibus videtur significari, adhuc Patres illos carere visione beata, dum Paulus superstes, hæc verba protulit. Quidam per recompensationem intelligunt beatitudinem consummatam animæ, & corporis, quam omnes simul in fine mundi recipiemus. Sed planior est sensus Pauli, nempe, Patres veteris Testamenti ante-

tempus noui, & statum gratiæ per mortem Christi stabiliendum gloriam à Deo promissam non accepisse; sed diu Christum expectasse, qui ianuas Paradisi aperiret, in quo meliori forte donati sumus, qui facultum aureum gratiæ adepti post Christi ascensionem vita cedimus. Videatur noster Cornel. in hunc locum Pauli. Soat. tom. 2. in 3. p. q. 57. art. 3. in comm. Vazq. supra n. 8. & Salas n. 55. Qui hanc interpretationem sequuntur.

Tertiò obiecit illud Apoc. 6. *Vidi subiustus 158 altare animas interfectorum propter verbum Dei,* &

propter testimonium, quod habebant: & clamabant voce magnâ dicentes, usquequo Domine (sanctus, & verus) non iudicas, &c. Et data sunt illis singula stola alba: & dictum est illis, ut requiescerent adhuc tempus modicum, donec complecantur conscripsi eorum, &c. Quibus significari videtur, animas martyrum non esse in Cœlo, sed in alio loco expectantes, & potentes, vt accedat dies iudicij, in quo gloria remuneranda sunt, & de suis hostibus vindicandæ. Omissis varijs explicationibus, respondeo, verba *subiustus altare verbo interfectorum iungenda esse.* Sensusque est; vidi animas eorum, qui subiustus altare, id est, sub religionis praetextu, vel sub fidei testimonio interfecti sunt, clamantes pro vindicta, sicut clamabat sanguis Abel. Gen. 4. Et data sunt illis singula stola albæ id est, gloriæ esentialis, vt exponit Aug. serm. 4. de Innocentibus, Greg. in Psalm. 4. penit. Beda, Haymo, & Ansel. ad hunc locum, & alij. Iustæ que sunt, expectare usque ad diem iudicij pro gloriæ corporis, pro publicoque, & consummato triumpho de hostibus. Videantur Ribera, & Alcazar in hunc locum, Bellar. Vazq. & Salas supra. Alia, quæ ex Scripturâ afferuntur, facilem habent ex dictis interpretationem. Locum autem, qui ex 4. Esdra 4. solet opponi, prætermitto: tum quia liber non est canonicus, vt constat ex Trid. fest. 4. cap. 1. tum quia locus apocryphus est, vt testatur Henr. de fine hominis cap. 19. n. 2.

Quartò opponitur definitio illa Ioan. 22. 159 quam supra n. 151. commemorauimus. Respondeo, Ioan. 22. morte præuentum nihil de hac re definisse, vt constat ex Bullâ Benedicti 12. successoris eius citata supra à nobis n. 9. & 153. Quinimo non est omnino certum, adhuc vt priuatum Doctorem errasse Ioannem in hac materia. Nam primus, qui id narrat, ex quo alij, est Ocham. cuius in hac re suspecta fides esse videtur, siquidem opus illud 92. dierum, & alia, quæ contra dictum Ioannem Pontificem scripsit, interdicta sunt in Indice librorum prohibitorum edito iussu Trid. vt notat Bellar. lib. de Scriptoribus Ecclesiast. in Ocham. & Sixtus Senen. lib. 7. Biblioth. annotat. 345. fine. Denum, si quid minus cautè Ioannes vt priuata persona circa hunc articulum loquutus est, id pridie ante mortem retractavit, vt refert Ioan. Villanus lib. 11. de rebus Florentin. cap. 19. & S. Antoniu. 3. p. Hil. tit. 21. cap. 6. §. 15. fine. De quo videatur Bellar. lib. 1. de Beat. cap. 2. & lib. 4. de Pontifice cap. 14. Vbi varia etiam Caluini dicta circa errorem istum Ioannis 22. confutat, à notaque formalis hæretici Pontificem defendit.

Quinto opponuntur multi Patres græci, & 160 latini commemorati etiam à nobis supra n. 151. Qui sensisse videntur, iustorum animas etiam plenè purgatas usque ad finem Mundi non beari. Respondeo ramen in vniuersum, huiusmodi Patres de beatitudine perfectæ undequaque, & consummatæ includente gloriam animæ, & corporis

intelligendos esse , prout latius , specialiusque , Patrum testimonij adductis , eos interpretantur Bellar. Vazq. Sal. Henr. supra , & alij Theologi communiter 1.2. q.4. art. 5. Quod si testimonium aliquod iuxta hanc , aut aliam sanam expositionem nequeat explicari , mitum esse non debet : quia , cum priscis illis temporibus expressè non esset ab Ecclesiâ articulus iste definitus , potuit profectò Pater aliquis , alias catholicus , & sanctus , bonâ fide circa illum errare , vt bene notant Vazq. & alij .

¹⁶¹ Postremò à ratione sic potest obijci . Homines diuersorum temporum habentes àequalia merita àequaliter debent remunerari . At id fieri nequit , si vnu prius videt Deum , quām aliud . Ergo . Respondeo , àqualitatem durationis in p̄mio seruari commode non posuisse ; nemini tamen iniuriam fieri ; tum quia omnes ultra condignum remunerantur ; tum quia non deerrit Deo modus , si ipsi placuerit , reducendi ad àqualitatem p̄missa , quæ alias à duratione impari imparia euaderent . Et quidem hoc argumentum in damnatis etiam potest fieri , pariterque in illis subinde soluendum est . Quomodo autem etiam sic fide certum , Dæmones ante diem iudicij peccata damni , & ignis puniri , apud Salas n.59. & Bellar. cap. 6. videtur potest , & apud Soar. & alios in materia de Angelis .

Propositio. 2.

¹⁶² Anima Beatorum àquæ perfectè vident Deum modò , ac post finem Mundi videbunt , corporibus resumptis .

A dīcio insuper propositionem istam . Quia pundo precedenti concernet , circa quam non adēt est vna sententia Catholicorum . Nam quidam , vt refert Abulensi Matth. 5. q.62. dixerunt , beatitudinem animæ futuram esse minorem post corporum resurrectionem . Alij è contrario , animam tunc beatiorum fore intensiù , quatenus melius videbit , atque diligit Deum . E quibus sunt Mag. in 4. dist. 49. & 5. Th. ibi q.1. art. 4. q.1. Quos sequitur Egid. Lust. tom. 3. de Beat. in Appendix q.2. à §. 2. putans esse sententiam S. August. lib. 12. de Genesi ad litt. cap. 35. ubi eam videtur tradere . Cui concinnum etiam Haymo Apoc. 6. & Bernard. serm. 3. de sanctis . Sed pro nostra propositione stante communiter Theologi S. Th. mutatis sententiis 1.2. q.4. art. 5. ad 5. & ibi Caet. Conr. Médi. alijque Thomiltæ. Valent. disp. 1. q.4. pun. 2. Salas tract. 2. disp. 10. sec. 6. Vazq. disp. 19. cap. 4. Bellar. lib. 1. de Beat. cap. 5. Montes. disp. 7. Bécan. tract. 1. cap. 1. q. 13. Soar. 1.2. tract. 1. disp. 13. sec. 2. Ouid. tract. 1. contr. 6. pun. 2. & alij communiter .

¹⁶³ Probatur autem propositio à priori . Quia , vt omnes fatentur , & est certissimum , post resumpta corpora non est augendum , nec minuendum in animabus lumen gloriae , quo ad Deum videndum in æternum à principio eleuantur proportionatè ad meritâ vniuersalique ; sine ratione enim adstrueretur tale augmentum , aut decrementum . Existente autem semper eodem lumine , semper existat eadem visio sine incremento , aut decremente , necesse est . Quia visio ab eadem potentia animæ non potest non semper exire eodem modo proportionata lumini ; eo quod inuariata causa , necunde potest variari effectus eius naturalis , qualis est visio respectu coniuncti ex

animâ , & lumine . Nec refert , animam unitam corpori perfectiore modum essendi habere , quām separatam ; (quod tamen negat Scot. in 4. dist. 43. q. 1. & quod lib. 9.) Quia iste perfectior essendi modus in unione ad corpus consilens extra substantiam animæ est , à qua sola adiuta lumine proueniens . Vnde ad intendendam , aut perficiendam visionem , ad illam remittendam nihil videtur præstare posse : maximè , cūd ad eam concurrat anima non per potentiam naturalē , cui modus ille vt conditio saltem posset fortasse deseruire , sed per potentiam obedientiam ab omni connaturali modo distincto à substantiâ anime independentem .

Secundò probat Bellar. propositionem .¹⁶⁴ Quia videtur esse definita ab Ecclesiâ . Nam Benedictus 12. in Extraugante Benedictus sepe citat ait , continuari visionem à morte usque ad resurrectionem , & per totam æternitatem , & videtur sentire , continuari in eodem gradu . Vnde Ioannes Villanus lib. 11. hist. Florentin. cap. 19. dicit , Benedictum definiuisse , animarum gloriam non augendam post resurrectionem , nisi extensum ; ita enim testatur , se audiisse à Theologis , qui interfuerunt , cūd id à Pontifice definiretur ; licet quidam solum referant , definiuisse talen gloriam non esse minuendam . Id quod , stando etiam à ratione , multò certius est : quia magna imperficio beatitudinis animæ est , si vel ex parte amitti posset . Iure enim posset hoc ipsum animam contristare : cui sanè propterea in detrimentum potius , quām in utilitatem cederer resurrectio corporis ; irrationalisque subinde esset appetitus eius , quod maiotis boni impedimentum , futurum erat . Quæ sunt absurdâ .

Cum his , quæ diximus stat , absolutè augendam esse animarum gloriam post diem iudicij per iteratam unionem ad sua corpora ; eti vitio Dei in illis nullo modo augatur . In quo conuenient omnes Theologi . Quod accrementum alij extensum , alij extrinsecum , alij accidentale appellant . Eueniet autem illud : quia ex gloria animæ sua gloria redundabit ad corpus , corporique mirè in naturalibus perfectum , ac supernaturalibus dotibus adornatum cum ministerio multiplici , cum etiam multiformi oblectamento erit animæ , quibus felicitas eius non patum augebitur .

Ceterum pro sententiâ primo loco relatâ potest sic obijci . Pluribus intentus minor est ad singula sensus . Sed anima post resurrectionem erit pluribus intenta : quia ex proprijs , & corporis functionibus intenta erit . Ergo animus tunc attendet ad Deum ; minùsque subinde perfectè videbit , & amabit illum . Admitto , quando anima naturaliter operatur , quod ad plures operationes distractur , eo minorem esse virtutem , & facultatem eius ad singulas . Ast , quia visionem beatitudinis elevata supernaturaliter operatura est , stante sed per eodem principio elevante , eadem semper vi , eademque subinde intentione , ac perfectione elicet illam ; quantumvis illi coniuncta corpori nouæ operations accrescant : maximè , cum harum etiam pleraque futura sint supernaturales .

Eodem argumento , licet ex diuerso capite ¹⁶⁵ sumpto , vtuntur contra nostram propositionem . Auctores secundò sententie ; nempe . Animam separata habet vehementer appetitum ad corpus . Igitur distracta ad talen appetitum eius virtute , non potest non à visione , & amore Dei retardari . Sicque minus intenſe videre Deum

ante resumprum corpus, quām postea. Cæterū solutio etiam eadem est, quā p̄cedentis; imo potiorem locum nunc habet, vt consideranti patet. Aliam verò solutionem, quām exhibent Vazq. Bellar. & alij, tanquam minūs sufficientem reiicit, & merito Salas n. 67. vt apud illum vide ri poterit. Iam verò de mente Augultini non eadem est omnium sententia. P. Vazq. planè fate tur, stare illum pro secunda sententiā. Sed P. Salas num. 68. cum alijs docet, rem hanc sub dubio reliquiss. Quia, licet loco citato videatur indubitanter loqui; at lib. 1. Retract. cap. 14. de eadem re agens videtur dubius remanere. Ego tamen crediderim cum doctis Recentioribus, si benignè textus Augultini expendatur, non sine probabilitate posse illum expōni, ita, vt solum velit, animas, resūptis corporibus, perfectiūs beatas fore, non quidem à visione Dei intrinsecè intensio ne, seu perfectiore, sed à visione, prout ex confor tio gloriæ corporum perfectior euadet, & consummata beatitudine animalium. Quo sensu Haymo etiam, & Bernardus censendi sunt loqui. Sicut loquitur Conclitum Florent. fest. vlt. in litteris vñionis, dum ait: *Conuenit inter Gatos, & Latinos, animas ante corporum resurrectionem perfectiūs felicitate frui, licet perfectiūs postea.*

QUÆSTIO XI.

Quid sit, seu in quo consistat visio beatifica. Et an Beatis producant verbum mentis.

168 **V**isionem beatificam esse cognitionem, qua Deus clare, & intuitiue, sicuti est in se, à Beatis cognoscitur, fatis, superque ex dīcis. hancen intelligitur. Verum hæc veluti metaphysica essentia visionis beatificæ est. Physicam indagamus modo. Est autem supponendum ex dīcis in Pharo Scient. disp. 1. & 2. modum cognoscendi ordinariū in potentis cognoscitius creatis tam sensuīs, quām intellectuīs sic per agi. Instruitur primò potentia specie quadam impressa, quā veluti semen obiecti est, atque ita instruta physice producit in se alteram qualitatē, quā similitudo est, ac veluti expressa imago obiecti, ob idque species expressa dicitur, media qua representatur, atque cognoscitur obiectum; sive cognitio formaliter in tali specie expressa consistat, sive in eius productione, sive in virtute: tum sive huiusmodi species per actionem, & vñionem superaditam producatur à potentia cognoscitiva, & ipsi vniatur, sive per se immediatē, iuxta diuersas Philosopherum opiniones, de quibus egimus dicta disp. 2. Phati q. 1.

Porro species expressa intellectuīs verbum mentis appellatur communiter. Quia, dum mens illam producens per illam sibi representat, atque adeo notificat obiectum, veluti loquitur sibi obiectum ipsum ad eum modum, quō nos solemus alijs loqui per verbum vocale, atque adeo ipsi notificare rem significatam per illud. Potissimum ergo difficultas huius questionis est, an quemadmodum aliorum obiectorum, quā intelligit, ita etiam Dei clare vlt. producat intellectus creatus speciem expressam, seu verbum.

170 Negant plures Thomistæ, Caiet. 1. p. q. 12. art. 2. Bannibid. dub. 1. Zumel disp. 2. concl. 3.

Nauarrete controu. 34. 6. 3. Nazar. contr. 2. Caberra 3. p. q. 11. art. 1. disp. 1. §. 9. Conz. disp. 25. sec. 4. Franciscus Amicus 1. p. disp. 9. sec. 3. & alij, putantes, essentiam diuinam per se ipsam gerere vices speciei expressæ, seu verbi, quatenus per se ipsam ob summam intelligibilitatem, quam habet, non solum physicæ, sed etiam intelligibiliter est intimè p̄sens intellectui Beatorum, quin cgeat, vt ei representetur, vñlā specie expressa, seu verbo. Vnde communiter censem dīi Thomistæ, visionem beatificam vitalem quamdam tendentiam esse, sive intentionalem vñionem, qua intellectus Beati intelligibiliter vñtur cum Deo in se immmediatè intelligibili citra omnem speciem expressam ipsum representantem. Ducuntur hī Doctores p̄cipue auctoritate S. Tho. Cuius tamen mens adeo in p̄senti dubia est, vt multi alij ex eius discipulis in oppositam sententiam, quam amplectuntur, eum sibi patronum aduocent. Hi sunt Capreol. in 1. dist. 27. q. 1. art. 2. & dist. 35. q. 1. art. 1. & in 4. dist. 49. q. 5. art. 3. Syluest. 1. p. Conflat. q. 12. art. 2. §. 3. & q. 27. art. 1. §. 4. Ferrar. lib. 1. contr. Gent. cap. 3. & lib. 3. cap. 49. Sot. in 4. dist. 49. q. 2. art. 3. Trigol. 1. p. q. 7. art. 1. dub. 6. & alij. Quibus accedunt Moll. 1. p. q. 12. art. 2. disp. 1. Vazq. disp. 38. cap. 2. Soar. lib. 2. de Attrib. cap. 1. Arrab. disp. 17. Becan. tract. 1. cap. 9. q. 2. Salas 1. 2. tract. 2. disp. 5. sec. 2. num. 28. Fasol. 1. p. q. 12. art. 2. dubit. 3. Gran. tract. 5. de Vñi disp. 1. Herice disp. 40. cap. 1. & disp. 42. cap. 5. Martinon disp. 8. sec. 3. n. 25. Recupit. lib. 6. q. 25. Derkennis disp. 7. cap. 9. Quiros disp. 23. & apud eos alij plurimi.

Porro S. Th. ambabus sententijs videtur fa vere. Priori quidem 1. p. q. 12. art. 2. & q. 8. de Verit. art. 1. vbi generaliter docet, Deum, sicuti est in se, per nullam similitudinem creatam videri posse. Loqui autem cum de similitudine expressa, seu verbo mentis, pro eaque potissimum facerē rationes, quas adducit, Thomista pro primā sententia citari sentiunt, & latè probat noster Vazq. disp. 39. Posteriori verò, oppositaque sententia Angelicum Præceptorem addūpulari, ex multis alijs eius locis videtur colligi: vbi vniuersaliter affirmat, in omni intellectione nostrâ repertū verbum ab intellectu nostro oriundū, medio quo obiectum intelligitur. Videatur p̄senterim 1. p. q. 27. art. 1. & q. 4. de Verit. art. 2. & q. 8. de Pot. art. 1. & q. 9. art. 5. & in 1. dist. 27. q. 2. art. 2. Hinc factum est, vt Thomista negantes verbum beatificum, quoties legunt S. Thom. vniuersaliter adstruentem verbum in omni nostrâ intellectione, de intellectione solum naturali, aut status p̄senteris illum interpretantur, quo excludant visionem beatam. Ex aduerso autem, qui beatificum verbum adstruum, de similitudine tantum impressa, non item de expressa, seu verbo, volunt, vt S. Tho. loquatur, quoties negat, per aliquam similitudinem creatam posse videri Deum, sicuti est.

Obseruandum tamen est, apud plerosque Thomistarum verbum mentis, vñcunque datur, ita esse terminum in collectionis immediatum, vt in eo prius cognitio tanquam in medio cognoscatur obiectum per ipsum verbum representatum ad eum modum, quo in imagine depicta Cæsar tanquam in medio prius vlo ipse Cæsar cognosci solet. Ita opinantur Bann. Zumel, Nauarrete, Caberra supra, & alij, quos refert Fasolus supra dubit. 6. Id quod sensisse S. Th. proptercāque negasse verbum Beatis, multis etiam comprobat.

Vvv 2 Vazq.